

# POLISI KESIHATAN, KESELAMATAN DAN ALAM SEKITAR

Adalah menjadi polisi syarikat DIALOG untuk menjalankan perniagaan hanya selepas mengambil kira kepentingan Kesihatan dan Keselamatan bagi pihak yang terlibat, termasuk pihak lain yang mungkin akan terjejas dan juga perlindungan ke atas Alam Sekitar.

Tanpa sebarang pengecualian, kerja-kerja tidak boleh dimulakan atau diteruskan jika ia tidak boleh dilaksanakan dengan selamat ataupun tanpa mempertimbangkan masalah kesihatan dan/atau alam sekitar. Setiap individu adalah bertanggungjawab ke atas kesihatan dan keselamatan diri masing-masing dan dikehendaki mengambil langkah-langkah sewajarnya bagi tujuan tersebut.

Objektif Kesihatan, Keselamatan dan Alam Sekitar kami adalah selaras dengan matlamat utama perniagaan kami dan pihak yang berkepentingan bertanggungjawab sepenuhnya untuk mencapai matlamat tersebut melalui pelaksanaan inisiatif-inisiatif dan program-program Kesihatan, Keselamatan dan Alam Sekitar yang relevan.

## OBJEKTIF

Mencakupi ruang lingkup polisi ini dan pematuhan kepada keperluan perundangan serta kehendak pelanggan-pelanggan, kami akan berusaha untuk:

- Mencegah kemalangan yang mengakibatkan kecederaan dan penyakit-penyakit pekerjaan
- Melindungi alam sekitar dengan cara pencegahan pencemaran, mengurangkan sisa buangan dan meminimumkan penggunaan sumber alam
- Melindungi aset syarikat
- Mewujudkan budaya kerja selamat, sihat dan mesra alam persekitaran
- Memastikan penambahbaikan berterusan dalam pelaksanaan dan penilaian semua program berkaitan Kesihatan, Keselamatan dan Alam Sekitar

## MEKANISMA

Kami berusaha untuk mencapai objektif tersebut melalui:

- Pengenalpastian aspek dan bahaya serta penilaian risiko sebelum setiap aktiviti
- Penghapusan aspek dan bahaya secara praktik atau mengadakan langkah kawalan bagi mengurus dan mengurangkan kesan bahaya tersebut
- Pencegahan atau pengurangan kesan bahaya kepada alam sekitar
- Peningkatan kemahiran dan kompetensi setiap kakitangan selaras dengan keperluan aktiviti
- Peruntukkan peralatan perlindungan keselamatan yang bersesuaian

Kami sentiasa berusaha untuk menjadi rakan niaga pilihan utama kepada sekutu perniagaan dan pelanggan di dalam semua sektor perniagaan kami. Kami percaya bahawa pencapaian Kesihatan, Keselamatan dan Alam Sekitar adalah ukuran mutlak kejayaan perniagaan kami.

**TAN SRI DR NGAU BOON KEAT**  
Pengerusi Eksekutif,  
Dialog Group Berhad

Revisi: 04  
Tarikh: 30 Mei 2022